



थुकि दुने

सुकुम्बासी जुइगु सुर्या रहर मखु
• **श्यामकृष्ण प्रजापति - २**

बहाः बहिः छगू चर्चा
• **राजेन मानन्धर - ३**

विशेष जुल नेपाःया ५० औं ओडिआई
• **प्रजित शाक्य - ६**

इतुंबहाःया प्रवज्याभिषेक (बरे छुइगु) संस्कार
• **ब्लोअप ४ - ५**

येँ मनपा व नेपाल प्रहरी दथुइ सम्झौता पूर्वमेयर शाक्यया ज्याइवःया निरन्तरता

छुं दिं न्ह्यः तिनि काठमाडौं महानगरया छगू बुखँ वल । व बुखँयात कयाः आम नागरिक व संचारमाध्यमय चर्चा नं जुल । सिसिटिभि क्यामेरा जडान याय्त येँ महागनरं नेपाल प्रहरीयात ६ करोड बीगु जुल हं । थुकिया येँ महानगर प्रमुख बालेन्द्र शाहया रोहवरय प्रमुख प्रशासकिय अधिकृत बसन्त अधिकारी व काठमाडौं उपत्यका प्रहरी कार्यालय रानीपोखरीया प्रहरी अतिरिक्त महानिरिक्षक श्यामलाल ज्ञवाली दथुइ सम्झौता पत्रय हस्ताक्षर जुल ।

‘जिं स्थानीय निर्वाचन न्ह्यः हे थः निर्वाचित जुयाः वल धाःसा येँय दक्क थाय् सिसिटिभि क्यामेरा जडान याय् धयागु खः, आः थःगु प्रतिवद्धता पूर्वकाच्चना’ सम्झौता धुंकाः बालेन्द्र शाहं धयादिल ।

सामाजिक संजाललिसे गुलिखय् संचारमाध्यमय आः येँय सिसिटिभि क्यामेरा जडान याइगु जुल धइथे चर्चा नं जुल । व चर्चा स्वयंवरय थ्वयां न्ह्यः येँ महानगर दुने गनं सिसिटिभि हे मतःनिगु थे खनेदु ।

अझ धाय्, येँ महानगरं गनं सिसिटिभि क्यामेरा जडान मयाःनिगु थे खनेदु । तर मेयर बालेन्द्र शाहं निवर्तमान मेयर विद्यासुन्दर शाक्यया हे पुलांगु ज्यायात निरन्तरता बियावनाच्चंगु व न्हापाया हे सम्झौतात कार्यान्वयन यानावनाच्चंगु जक खः धइगु खँ नं थनथाय् वयाच्चंगु दु ।

येँ महानगरया निवर्तमान मेयर विद्यासुन्दर शाक्यया पालय येँ महानगर क्षेत्र दुने १६५ सिसिटिभि क्यामेरा



जडान याय्धुकूगु खः । २०७५ फागुन १५ गतेया दिनय् सिसिटिभि क्यामेरा जडान, संचालन, मर्मत सम्भार स सूचनाया उपयोग याय्त धासें येँ महानगरपालिका व महानगरिय प्रहरी परिसर येँ महानगर दथुइ सम्झौता जुयाः ज्या सम्पन्न तर्क जुइधुकूगु अवस्था खः । उगु इलय् ज्ञा न्ह्याकेत धासें पेशकी कथं महानगरं प्रहरी परिसरयात ३ करोड तका उपलब्ध याकूगु खः । ४ करोड ४२ लाख ५७ हजार ६९३

तकाय् सम्झौता यानाः ज्या सम्पन्न जुइधुंकाः २०७६ फागुन २२ गते अपुग १ करोड ४३ लाख ४८ हजार ८१५ तका प्रहरी परिसरयात उपलब्ध याकूगु खः । आः जूगु सम्झौता ज्याइवलय न्वासें सूचना प्रविधि विभागया प्रमुख नमराज ढकालं उगु इलय् जूगु सम्झौता कथं जडान याःगु १६५ सीसीटिभि क्यामेरामध्ये आः १५८ चालु अवस्थाय् दुगु जानकारी बियादीगु दु । न्हय्गः क्यामेरा धाःसा

सडक विस्तारया इवलय् प्रयोग विहिन जूगु ढकालं धयादिल ।

थ्व जक मखु, मेयर शाहं मेमेगु ज्याय नं तत्कालीन मेयर शाक्यया हे पालय्या योजना व सम्झौतायात जक निरन्तरता बियावःगु खनेदु । थ्वयां न्ह्यः नं मेयर बालेन निर्वाचित जुयाः वय्धुंकाः दमकल हःबलय् उगु इलय् विद्यासुन्दर शाक्यं हय्मफूगु दमकल बालेनं हल धयाकथं प्रचार जूगु खः ।

इन्डोनेशीयन कम्पनीलिसे २०७८ श्रावण ३ गते जूगु सम्झौता कथं खरिद याःगु स्वंगः दमकल हे मेयर बालेनया पालय् थ्यंकः वःगु खः । ‘उगु इलय् सम्झौता, खरिद प्रकृया दक्क जुयाः दमकल नेपालय वइगु निश्चित हे जुइधुकूगु खः । तर कोरोना महामारी, लकडाउन थज्याःगु परिस्थिती यानाः दमकल नेपाल थ्यंकः वय्मफूगु खः । आः स्थिती सामान्य जुयावःगुलिसे दमकल थ्यंकःवःगु खः’ येँ महानगरया निवर्तमान मेयर शाक्यं धयादिल ।

त्यं ७ पेजय्

कपिलवस्तुइ बौद्ध विहार दय्कीगु

कपिलवस्तुइ बौद्ध विहार दय्कीगु जूगु दु । इशापूर्व ४८३ पाखे भगवान बुद्ध दनिगु इलय् हे कपिलवस्तु राज्यया द्वलंदः शाक्यतय्त स्याःगु धयातःगु थाय् सगरहवाय् आः येँयापि शाक्यतय्सं थः पूर्यायात लुमकाः बौद्ध विहार दय्केत्यंगु खः । शाक्य महाविहार संघया नायः शुभकाजी शाक्यया नेतृत्वय वंगु पदाधिकारीतय्गु पुचलं लुम्बिनी विकास कोषया उपाध्यक्ष भन्ते मेतय व सदस्य सचिव सानुराजा शाक्ययात नापलानाः सगरहवाय्

‘शाक्य स्मृति विहार’ दय्केगु बारे सहलह याःगु खः । बौद्ध वाइमयय् न्ह्यथनातःकथं कोशल राज्यया जुजु विरुद्धकं थःत दासीपुत्र धाःगु तर्क कपिलवस्तुइ आक्रमण यानाः राज्य हे ध्वस्त यानाब्यूगु खः । वहे इवलय् ज्यान बचे यानाः कपिलवस्तु स्वयां भचा तापाक सगरहवाय् च्वनाच्चर्पिं करिब ७७६ःम्ह शाक्यतय्त ज्वनाः आम नरसंहार याःगु खः । अन स्यानाब्यूपिं शाक्यतय्गु सीम्ह वहे थासय् बाः वइगु खुसिइ वांछव्याब्यूगु धइगु कथन दु ।

Trendiest Fashion At Price You Love

ufo THE CHANGING STORE

तान्तःया पासा कुल्फी/आइसक्रीम भपिया दिसै । **Himalayan Ice**

घौ, दुरु, छयः, बटर व क्रीम बजारय उपलब्ध दु

मुर्शीवनायक नगरपालिका, वडा नं. १, सिकदर भन्सार, खप्तड १८४९६४८६२५, ९८०८६०८७२५



नेवा: राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन दने धुन सँन्ट्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्य लुइ कर्प च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



विद्युतीय सवारीयात प्रोत्साहन बीगु ध्याचवँच्वं यात्रीया उत्पादन दित

यात्री । छितः छु लुमनावल थ्व धयाकथं । गनं यात्रा वनाबलय् थः यात्री जुयागु लुमनावल कि ? सुं यात्री नापलाःगु लुमनावल कि ? यात्री धयाकथं छुं यात्रा यानाचवँम्ह व्यक्ति खः । अयजुयाः यात्री धयाकथं थःगु वा मेपिनिगु छुं यात्रा प्रसङ्ग लुमनीगु स्वाभाविक हे धाय्माल । तर आः यात्री धयाकथं नेपालीतय्सं मेगु हे प्रसङ्ग लुमकीगु परिस्थिती जूगु दु । यात्रा लुमनीबलय् अप्वः यानाः न्ह्यइपूगु, बांलाःगु खँ लुमनीगु खः तर यात्री धाय्बलय् बांमलाःगु खँ लुमनीगु स्थिती जूगु दु । लिपा छु जुइ मस्य्, तर कम से कम आःयात नि बांलाःगु खँ धाःसा पक्का लुमनीमखु ।

आः यात्री धालकि नेपालय् उत्पादन जुयाः बांलाःगु बजाः कयावनाचवंगु विद्युतीय मोटरसाइकल यात्री व थुनिया उत्पादन बन्द जूगु खँ लुमनी । उत्पादनया अनुमति कयाः, मोटरसाइकल दय्केत माःगु च्यासिस निर्माणया अनुमति कयाः यात्री नेपालय् हे विद्युतीय मोटरसाइकलया उत्पादन न्ह्याकूगु खः । थुकिं बांलाःगु बजार नं कयावनाचवंगु खः । स्वयंबलय् थुनिया लुक्स नं आकर्षक हे खनेदु । ल्याय्म्हतय्त यइगु स्पोर्टी लुक्स दुगु यात्री मोटरसाइकल नेपालया हे उत्पादन धाय्बलय् न्ह्याम्ह नेपाःमिया न्हाय् तपु जुइफ । तर थीथी प्राविधिक कारणं यात्रीया उत्पादन दित । दक्वं जुयाः नं सवारी दर्ताया प्राविधिक समस्या क्यनाः दर्ता हे यानामबिल । अनुमति कयाः नेपालय् उत्पादन जूगु नेपाली ब्राण्डया मोटरसाइकल दर्ता याय्त कार्यविधि हे मदु । गज्याःगु बिडम्बना ?

उपभोक्ता मोटरसाइकल न्यात अले सडकय् ब्वाकल । यात्री सडकय् ब्वाकूबलय् ट्राफिक प्रहरी थुनिया नम्बर प्लेट ग्व धकाः सवारी चालकयात ज्वन । नम्बर प्लेट तय्त दकले न्हापां नम्बर माल । नम्बर काय्त मोटरसाइकल दर्ता याय्माल । मोटरसाइकल दर्ता याय्त यातायात व्यवस्था विभागं थीथी प्राविधिक समस्या क्यनाः दर्ता हे यानामबिल । अनुमति कयाः नेपालय् उत्पादन जूगु नेपाली ब्राण्डया मोटरसाइकल दर्ता याय्त कार्यविधि हे मदु । गज्याःगु बिडम्बना ?

थुगु इलय् ला सरकारं विद्युतीय सवारीयात प्रोत्साहित याय्गु खँ ल्हानाचवंगु खः । तर व्यवहारय् स्वल धाःसा अज्याःगु छुं हे खनेमदु । न त पिनं दुहांवःगु विद्युतीय सवारी उपभोक्तायात न्याय् अःपुइगु वातावरण दय्केगु स्वःगु दु न त नेपालय् विद्युतीय सवारी उत्पादनयात प्रोत्साहित याय्त स्वःगु दु । आयात अप्वयाचवंगु इलय् पिनं वःगु सवारी न्याय्त सहज दय्केगुपाखे ला मस्वल, म्वाःल धाय्का । कम से कम नेपाली उत्पादनयात ला प्रोत्साहित याय्त स्वय्माःगु खः नि । थुकिं पिनं वःगु सवारी न्याय्मालीगु परिस्थिती नं जुइमखु । पिनं ह्य्माःगु इन्धन नं जाय्काचवनेमाली मखूगु । तर भीके थज्याःगु छुं हे परिस्थिती मदु । दु सा मात्र बिडम्बना । नेपाली उत्पादन बन्द जुल ।

सुकुम्बासी जुइगु सुयां रहर मखु



श्यामकृष्ण प्रजापति

राष्ट्रिय भूमि आयोग यँ जिल्ला समितिया नायःया भाला कःधानागु करीब दछि जूवल । थ्व इलय् वास्तविक सुकुम्बासीतय्त भूमिहीन अवस्थां थकाय्गु निरतिं फक्व कुतः यानाचवनागु हे दु, अभ्र नं फक्व याय् हे तिनि । थ्व हे कुतः व सक्रियताया दथुइ अवस्थाय् छुं सुधार नं जूगु दुसा छुं घटना नं जुइधुंकुगु दु । थ्व हे अवस्था व घटनालिसें यक्वसिगु म्हुतुं यक्व कथंया प्रतिक्रियात न्येनेधुन । थ्व प्रतिक्रियालिसें नुगलय् यक्व हे खुसिबाः वल । व हे खुसिबाःयात थौं आखःया माध्यमं सकललिसे इनेगु कुतः यानाचवना ।

भूमि आयोग यँ जिल्ला समितिया नायः जुइ न्ह्यः नं ताः इलानिसें अधिकारया क्षेत्रय् सक्रिय जुयावयागु खः । समावेशी, समानताया अधिकारया सवालया, संस्कृति, सम्पदाया संरक्षणया लागिं लिसें भूमिया अधिकारया सवालया नं सः तयावयागु हे खः । तर न्हापा जिं गुगु ढक्कं सुकुम्बासीयात स्वय्गु यानागु खः, व मिखा वा विचारधारा थौं ह्य्गु दु । न्हापा न्हापा विशेष हुनिं थःगु गांथाय् त्वःताः, भूमिहीन जूवनाः, यँय् वयाः सार्वजनिक जग्गाय् च्वनावःपिन्त सुकुम्बासी धाइ । तर थीथी परिस्थिती स्थानीय वासिन्दायात थःगु हे भूमिइ नं सुकुम्बासी दय्काबी यःगु जुयाच्वन । वस्तुस्थिती, परिस्थिती कन्हय् भीमथ्ये सुं सुकुम्बासी मजुइ धाय् मफइगु जुयाच्वन । राष्ट्रिय भूमि आयोग यँ जिल्ला नायःया जिम्मेवारी निर्वाह यानाचवनागु थ्व इलय् जिं यक्व कथंया सुकुम्बासीत खना । अथवा धाय्, थज्याःगु कथंया परिस्थिती खन, गुकिं छम्ह मनूयात वा परिवारयात सुकुम्बासी दय्काबी ।

१. क्वथा मदयाः वा क्वथाया बाः पुलेमफयाः

न्ह्याथे धाःसां विकास आःतक्क नं राजधानी केन्द्रीत हे जुयाचवंगु दु । शक्ति व सुविधा दक्वं यँय् दुने हे सिमित जूगु दु । थज्याःगु परिस्थितीइ अवसर, उपचार आदि थीथी आधारभूत आवश्यकताया हुनिं गामं यँय् च्वंवय्गु क्रम निरन्तर जुया हे च्वंगु दु । थुकथं गामं शहर वय्बलय् यँय् ज्या लुइ थाकुइगु, क्वथा लुइकेफयाः वा क्वथाया बाः पुलेमफयाः सुकुम्बासी जूपिं तम्ह हे मनू व परिवार जिं खना ।

२. स्वास्थ्य उपचार थायां

स्वास्थ्य समस्या न खबर बियाः वइ, नं सुनां सःताः वइगु खः । सुयात गबले छु परे जुइ, धाय् फइमखु । गरीबतय्त ला छु, ततःधंगु स्वास्थ्य समस्या जुयाः करोडपति धाःपिं नं रोडय् अर्थात सडकय् वःगु भीसं हे मखनागु मखु । स्वास्थ्य समस्या जुयाः उपचारय् हे सर्वस्व तंकाः सुकुम्बासी जूगु कैयन घरपरिवार नं जिं थ्व इलय् खन ।

३. परिवारय् कलह वा मेमेगु समस्याया हुनिं :

मां मदय्का च्वनेमालीगु दुःख मां मरुपिं सन्तानं जक सी । मां मरुगु हे हुनिं सुकुम्बासी जुइमाल धाय्बलय् गुलिमिनं विश्वास मयाय्फु । मां मदय्धुंकाः अबुं चिरिमां हयाबीबलय् सन्तानयात मांया माया दइला धइगु आश ला जुइ, तर गुलिखय् चिरिमामं न्ह्यथुया सन्तानयात शत्रुया हे मिखां स्वयाबीबलय् व मां मदुम्ह सन्तान भन हे दुःखय् लाइगु ला जु हे जुल, लिसें चिरिमामं ब्यूगु दुःख सह याय् मफयाः छै त्वःता पिहांवनेगु स्थितीतक्क थनेनेयः व सुकुम्बासीया जीवन म्वाय्त बाध्य जुइयः ।

अथे, काय्भौया दुर्व्यवहारया हुनिं मांअबु सुकुम्बासी जूगु समस्या नं उक्तिं हे दु । गुलिखय् सन्तानं थः ब्वलनेधुंकाः थः बुराबुरि जुइधुंकूपिं मांअबुयात हेला याय्गु, दुर्व्यवहार याय्गु याय् यः । अभ्र इहिपा धुंकाः छैय् दुहांवइम्ह भौनं थः भाःतया मांअबुयात थः मांअबु थें बिचाः मयात धाःसा छैय् कलह भन अप्वइ । उकिया लिच्वः, काय्भौया हेलाया सिकार मांअबु छै त्वःताः पिहांवनाः सुकुम्बासी जुइफु ।

४. बिकासया नामं :

विकासया नामय् जुयाचवनीगु राजधानी केन्द्रीत थीथी ज्यां राजधानीवासी सुख स्वयां अप्वः दुःख स्यूगु दु । सत्ताय् थ्यपिं यक्वसिनं यँया विकास धयागु हे डोजर धकाः ताय्काचवंगु खनेदु । थीथी इलय् थन सडक विस्तारया नामय् यक्व थासय् डोजर न्ह्याकल व छै थुनाबिल । थुकथं विकासया नामय् लालाःथे छै थुनाबियाः सडक ला तब्या जुल खइ तर, दुंगु छैय् च्वनाचवंगु परिवार धाःसा सुकुम्बासी जुइमाल ।

५. पासापिनिगु लहलहैलय् :

लहलहै छगू म्यानापूगु ल्वय् खः । ल्याय्म्ह इलय् पासापिलिसे जुइ, पासापिन्सं छु छु यात, व हे याइ । हि क्वानाचवंगु ल्याय्म्ह ईया अपरिपक्वतां छु सहि छु गलत धाय् नं फयाचवनी मखु । थज्याःगु अवस्थां पासापिनिगु खँय् जुयाः छै त्वःताः पिहांवनाः सुकुम्बासी जूपिं नं यक्व हे मनू जिं खना ।

६. थः च्वनावयागु छँ, पालावयागु बँया भ्वं मदयाः

च्वनेत छै दु, पालावयागु बँ नं दु तर भ्वं मदु । भ्वं दय्केत प्रकृयाय् वनेमाल । उकिया लागिं उखेंथुखें खर्च याय्माली । हाकनं भ्वं दय्केत वने, थौं ज्या याय् खनीमखु अले छैय् गथे भुथ् च्याइ । थज्याःगु हे अवस्था यक्वसिया दु थन । आर्थिक अवस्थाया हे हुनिं थम्ह पालावयागु बँ, च्वनावयागु छँया भ्वं दय्केमखनाः सुकुम्बासी जीवन म्वाय्त बाध्य परिवार नं म्त्वः मजू थन ।

७. छुवाछुतया हुनिं गामं लिनाहःपिं व बिस्युंवःपिंः

धाय्त समाज आधुनिक जुइधुंकूगु दु, देय् धर्म निरपेक्ष जुइधुंकूगु दु । तर मिखाय् धार्मिक कायः चिनाः जातीय भेदभाव, छुवाछुत याय्गु प्रवृत्ती समाजय् अभ्रं ल्यं दनि । धर्मया नामय्, संस्कृतिया नामय् याइगु थज्याःगु विभेदया हुनिं थौंया दिनय् नं गामय् मनूतय्त पशु थें व्यवहार याःनि । थज्याःगु हे छुवाछुत, विभेदया हुनिं गां पितिनाहयाः अथवा बिस्युंवयाः शहर दुहांवइगु परिवारत थौं सुकुम्बासी जुयाचवंगु दु ।

८. माओवादी जनयुद्धया इवलय् शहरय् बिस्युंवःपिंः

माओवादी जनयुद्धया इवलय् थःगु व थः परिवारया ज्यान ल्यंकेत हे थःगु सर्वस्व त्वःताः गामं शहरय् बिस्युंवःपिनिगु ल्याः यक्व दु । तत्कालीन इलय् थःगु ज्यानया हे खँ जुल, हाकनं गामय् दुगु छकूचा जग्गा नं माओवादी कब्जा यात । माओवादी भूमिगत अवस्थां मूलधारया राजनीतिइ ला वल, सशस्त्र युद्ध सत्तातक्क थ्यन । तर व इलय् कब्जा जूगु अज्याःगु गुलिखे जग्गा आःतकं लित मब्यूनि व व कब्जा जूगु जग्गाया थुवाः थौं सुकुम्बासी जुयाः च्वनेमालाचवंगु दु ।

९. लजगाःलिसे सम्बन्धित हुनिं

४०दँ, ५० दँ न्ह्यः यँय् वा पीत गाककं बँ दु । बँ पालेत बँ थुवाः अले थन दुपिं मनूतय् मगाः । व ल्याखं थन बँ पालेत, बँ स्वय्त चीधंगु उमेरय् हे यक्व मनूत गामं थन हल, वल । अथेहे, ठेक्कापट्टा याइपिं ठेकेदारलिसे ज्या याय्त नं यँय् दुहांवःपिं म्त्वः मजू । मचाबलय् हे खलासी जुयाः यँय् दुहांवःपिं नं उक्तिं दु । थुकथं यँय् वःपिं मनूतय्सं थन ज्या यानाः नं बिचाः याःकथं कमे याय्मफुबलय् थौंया दिनय् सुकुम्बासी जुयाः च्वनेमाल ।

नेपाल दुने जक मखु, गुलिखे मनूत वैदेशिक लजगाःया नामय् ठगीइ लानाः सुकुम्बासी जूपिं नं यक्व दु । आकर्षक तलबलिसे थीथी प्रलोभन क्यनाः कतार, दुबई वा अमेरीका, अष्ट्रेलिया आदि देय् तंकां नां कयाः मनूतय्त ह्यय्की । भविष्य बांलाइगु आशां थन दुगु छँय् मियाः वपिन्त धाःगु स्वयां फरक देय् व फरक ज्याय् तयाबीयः । अज्याःपिं मनूत थःगु देशय् लिहांवइबलय् उमिके न त धेबा दइ, न त थन दुगु सम्पत्ति हे दनि । गुलिखे मनूत ला ल्वय् ज्वनाः लिहांवय्माःगु अवस्था जुइ । अज्याःपिं मनूत नं थन सुकुम्बासी जुयाः च्वनेत बाध्य जुइ ।

१०. प्राकृतिक प्रकोपं :

प्राकृतिक विपत्तीया हुनिं दँय्दसं यक्वसिया ज्यान वनेगु याः । विशेष यानाः गामय् खुसिबाः, चलः, भुखायलिसेंया प्राकृतिक प्रकोपय् लानाः थःगु सर्वस्व तंकीपिं ल्हाःम्हुतु चूलाकेत ज्या मालेगु निरतिं शहरय् वनेगुया पले मन्त । थन वयाः ज्या, धेबा, च्वनेगु थाय् सकतांया समस्यां सुकुम्बासी जुयाः च्वनेमालीगु उमिगु बाध्यता जुयाबी । थ्व बाहेक मेगु सयौं कारणत जिं मखनानि नं जुइफु ।

सुकुम्बासीया नामय् लबः नयाच्वीपिं मदु धाय् फइमखु तर, वास्तविक सुकुम्बासी गुगु स्याःचालय् दु, उकिया कल्पना नं भीसं याय्फइमखु । थःगु छै, सुखी परिवार सुया यइमखु । यदि राज्यं जनतां पूगु कर जनतायात लितबियाः भूमिहीनयात भूमिपति दय्के धाःसा छु व बांमलाःगु खँ जुइला ? भूमिहिन दलित, भूमिहिन सुकुम्बासी व अव्यवस्थित बसोबासिया लगत संकलन, छानबिन अले पहिचान धुंकाः सिबिधान प्रदत्त अधिकारयात संबोधन यासें पाय्छि ब्यबस्थापनया निरतिं सरोकारवाला सकसित इनाप याना । घालय् तियाः डोजर न्ह्याकेगु स्वयां समस्या समाधानपाखे जाय्नु ।

(चामि राष्ट्रिय भूमि आयोग यँ जिल्ला समितिया नायः खः)

बहा: बहि : छगू चर्चा



राजेन मानन्धर

बौद्ध व हिन्दू सभ्यताया मंका: क्यब जुयाच्वंगु थ्व स्वनिगःया मौलिकता हे थनया बज्रयानी महाविहारत वा बहा:बहीत खः धा:सां पाइमखु। हलिमय् गनं मदु कथं अनात्मवादी बौद्धतय्सं नं तन्त्रया साधना याना: बुद्ध धर्मयात बृहन्नम स्वरुप बीत थनया शाक्य व बज्राचार्यत थनिं यक्व न्ह्यः हे सफल जुइधुकल। अज्या:गु भव्य ऐतिहासिक सम्पदा आ: संरक्षण याय्मा:गु अवस्थाय् वःगु दु। थ्व ज्या सुनां सुयापाखें गथे याना: याय्गु वा याकेगु धइगु चुनौति नेवा: बौद्ध समाजया न्ह्यःने वःगु दु।

इतिहासकारत व बौद्ध विद्वानत थ्व खँय् एकमत दु कि व बहा:बही धइगु गुगुं इलय् नेपा:या विशिष्ट बौद्ध अध्ययन केन्द्र खः, थौकन्हय्या भासं धाय्गु खःसा विश्वविद्यालय थज्या:गु। अन सुं नं भिक्षु जुया: प्रवर्जित जीवन हना: बुद्ध धर्मया अध्ययन व अभ्यास यानाच्चनी, सय्क:वःपिन्त मा:गु तक ज्ञान इना: दीक्षित दय्काछ्वइ, वा थन हे प्रवर्जित यानातइ। अले थन बुद्ध धर्मया अध्ययन याय्त तिब्बतनिसें तक मनुत वया: भिक्षु जुया: अध्ययन याना: थीथी बौद्ध दर्शनया विषय पारंगत जुयावनी। थज्या:गु अध्ययन केन्द्र सुं व्यक्तिया, परिवारया वा जाति विशेषथा जक सम्पति मखसे समस्त बौद्ध समुदायया हे मंका: सम्पदा खः, उकिं हे ला अन सामान्यजन, साहु महाजन जक मखु, स्वयम् जुजुपि हे वया: संस्कार याना: दय्केगु व ल्ह्वनेगु यानावंगु भीगु इतिहासं धयाच्वंगु दु।

समयचक्रया खँ, भीसं न्यानातयागु, ब्वनातयागु खँ कथं जुजु जयस्थिति मल्लं नेवा: बौद्ध समाजयात जबरजस्ती हिन्दु ढाँचाय् हिलाब्यूबलय् अथे बहा:बहिर्लिइ प्रवर्जित जीवन हनाच्वीपिं बज्राचार्य भिक्षुपिन्त गृहस्थ जुइ माय्काब्यूगु धाय्गु चलन दु। थन हजारौं वर्ष पुलांगु थ्व बौद्ध अध्ययन केन्द्रयात बौद्धभिक्षुपिन्सं छम्ह जुजुया आदेशं जक हे चतक्क भिक्षु वसः पुना: गृहस्थ जूगु खः वा भिक्षुपिं हे यस्सें चीवर त्वःता: गृहस्थ जूगु धइगु गबले

क्वमचाइगु अध्ययनया विषय खः। थ्व लेख उखेपाखे वनीमखु।

लिपाया अवस्थाय् भीसं खनाच्चना कि बहा: बहिर्लिइ बुद्धधर्म व दर्शनया अध्ययन, अनुसन्धान त्वा:दल, उकिया पलेसा अन पूजापाठ इत्यादि संस्कारजन्य ज्या जक जुल। न्हापायापिं बौद्ध विद्वानतय् सन्तान शाक्य व बज्राचार्य नेवा:तय्गु थीथी थर थें सामान्य थर जक जुल। बहा:बही धइगु हिन्दुतय्गु पूजाआजा याय्गु मन्दिर थें जक जुल, गन व बज्राचार्यपिन्सं पुजारी वा पुरोहित जुइगु जिम्मा कया: पूजा आजा यानाबी, अले मेपिं बौद्धत सामान्य जन थें वना: द्यः दर्शन याना:, सिन्हः तिना: स्वां कया: लिहाँवइ। अन भिक्षु धइपिं मन्त, दनिसा शाक्य व बज्राचार्यपिनि उमेर दुपिं कायमस्तय्त प्यन्हुतक संस्कार कथं चुडाकर्म धका: सँ खाका: भिक्षु दय्की, हानं चीवर त्वाका: सामान्य गृहस्थ याना: छैय् लित हइ। थ्व क्रमय् भगवान बुद्ध बियाबिज्या:गु गबले महिलीगु धर्म उकिया मुलरुप स्वया: यक्व हे पात, तर नं देशया काल परिस्थिति प्रतिकूल जूबलय् बुद्धधर्मयात हे हिन्दु परम्पराया गाबलं न्यय्का: हे सां बुद्धधर्मयात धर्म धाय्गु अवस्था ल्यंकातल, थुकियालागिं समस्त बौद्ध समुदाय अबलय्था शाक्य बज्राचार्यपिंप्रति कृतज्ञ जुइमा:।

थ्व हिलावंगु परिस्थितिइ नं बहा:बही धइगु समुदाय व राज्यया हे सम्पति तिनि। भीसं अतिकं हनाबना तयातयापिं विद्वान बज्राचार्य गुरुपिं अनया रक्षक, पालक व धर्म दर्शनया व्याख्याता हे जक खः व सम्पत्तिया मालिक, अथे बहा:बहिर्लिइ च्वनेगु धइगु निजी वा पुख्थौली सम्पत्तिया भोगचलन याय्गु मखु धका: धाल धा:सा उकियात अन्यथा काय्मा:गु अवस्था दइमखु। राज्यं व अथाह धनसम्पत्ति दूगु अज्या:गु बहा:बहीप्रति थःगु जिम्मेवारी व हस्तक्षेपकारी भूमिका त्वःतूगु अले भिक्षु वसः त्वःता: हे नं परिवारया जिम्मेवारीलिसें विहारय् वया: वा च्वना: उकिया जिम्मेवारी नं कया: धर्मयात थःगु हे कथं निरन्तरता बियाच्वंगु धका: भीसं थुइकाच्चना। उकिंसं सरकारं भूमियालिसें छै द्यःगः व सार्वजनिक स्थलया लगत कया: स्वामित्व मा:बलय् सु गन च्वनाच्चन उकियात थःगु नामय् निस्सा दय्केगु अवस्था वःबलय् अनया गृहस्थ भिक्षुपिन्सं उकथं हे याना: थःगु धार्मिक जिम्मेवारी व संरक्षणकारी भूमिकायात भन् क्वातुकल धका: सामान्यजनं



थुइका तल। संसारया दक्व खँ अनित्य धइगु ला बुद्ध शिक्षाया न्हापांगु त्वाथः हे खः। व द्रःछि न्यासः दै पुलांगु अज्या:गु कलाकृतिं जा:गु बहा:बही थौं संरक्षणया अभावय् न्हियान्हिथं जीर्ण जुयावनाच्वंगु भीसं खनाच्चना। विहार वा महाविहार धइगु नामं हे कयं, व द्यःछै खः, देगः खः, धार्मिकस्थल अले व मनु च्वनेगु थाय् मखु। तर थौं शायद हे अज्या:गु बहा:बही ल्यं दनि गन मनूतय्गु बसोबास मदु। बुद्ध धर्मया अध्ययन अध्यापन जक याय्त दय्कातःगु व थासय् परिवार हे च्वना: सामान्य मनूत थें जीवन हनेगु, नय्गु, च्वनेगु, दनेगु मचाखाचा दय्केगु जक मखु, अंशवण्डा जुल कि वा मिया हे वनकि व याकनं जीर्ण जुइगु ला सकस्यां स्य्गु हे खँ जुल।

स्वाभाविक रुपं भीगु बहा:बहीत स्यनावनाच्वंगु दु, दुना हे वनाच्वंगु दु। विशेष याना: तःभुखावं यक्व क्षति या:गु नं भीसं खनाच्चना। थ्व बहा:बहीत भीगु नेवा: संस्कृतिया लिधंसा धका: गर्व याइपिं भी हे थुकिया रखावाला खसेलि थुकिया जीर्णोद्धार याय्गु जिम्मा नं भीगु हे खः धका: मधा:से फइमखु। धुलिमछि धाय्धुंका: थौ थ्व नं धाय्त भी बाध्य कि पुलांगु बाखं कना: किसिन्हाय् छइ गुलि अःपु वर्तमानय् व गौरवमय इतिहासया निरन्तरता लुइके उलि हे थाकु। थौं भीगु पुर्खां त्वःताथक्क औसत बहा:बहीया अवस्था गथे च्वं छकः बिचा: यानास्वःसा यथार्थ भीसं ध्वाथुइ।

थज्या:गु अवस्थाय् भीगु मौलिक संस्कृति, धर्म व सामाजिक चालचलनया प्रतिनिधित्व याइगु बहा:बहीतय्त अतिक्रमण व दुरुपयोगं मुक्त याना: थःगु मौलिक स्वरूप व प्रयोगय् लित हय्मा:गु खँय् विवाद दइमखु। तर थज्या:गु बहुमुल्य सम्पदात स्यंके न्हंके गुलि अःपु उलि ल्ह्वने अःपु मजू। देय्या हे इज्जत जुइधुंक्क थज्या:गु स्मारक संरक्षण याय्गु जिम्मा राज्यया हे खः, तर नेवा:तय्गु सम्पदा व संस्कृति रक्षा यानातय्त सरकार आःतक गुलि सकारात्मक दु

धका: बिचा: याना स्वत धा:सा उलि आस काय्थाय् मदु। गर्वया खँ खः कि नेवा:तय्सं गुलि नं सम्पदा धका: धर्म संस्कृति न्ह्याकेत मठ मन्दिर, बहा:बही दय्कातःगु दु, व भौतिक संरचना जक मखसे उकियात म्वाकातय्त, उकियालिसें स्वानाच्वंगु धार्मिक सांस्कृतिक क्रियाकलाप जात्रापर्व न्ह्याकेत अले व सम्पदाया कालगातिं क्षति जुइबलय् जीर्णोद्धार याय्त आयस्ता वइगु प्रसस्त जग्गा जमिन तयातःगु दइ। अथे हे भीगु बहा:बहीया ल्युने नं अन धार्मिक सांस्कृतिक ज्याइवःयात निरन्तरता बीत अले अज्या:गु संरचना ल्ह्वनेत अथे हे जग्गा जमिनया व्यवस्था दु। व जग्गा जमिन आः गुलि दु, पाः जुल सा गन वन, सुनां पाः यात, व मेगु हे विषय जुइ। आः संरक्षणया खँ वइ। संरक्षणया खँ वल कि धेबाया खँ लिसें वइ। तर बहा:बहीया सन्दर्भय् ध्यबा मदया: स्वया: नं धेबा दया: हे संरक्षण स्वया: अप्वः विनाश जुयाच्वंगु खनेदु। अथे धइगु धेबा दुपिनिगु ल्हातिइ लानाच्वंगु बहा:बही बिल्डिङया रुपय् विकास जुयावन, आधुनिकताया नामय् गुथिया जग्गा, बाज्या अर्जिपिनिगु सम्पदाय् अतिक्रमण जुयाच्चन धा:सा धेबा मदुपिनिगु, आयस्ता मदय्धुंक्क बहा:बही जक जीर्ण ल्यनाच्वंगु दनि, अथवा सिमेन्टया न्हय्तें जा:गु छै जुयावंगु स्वया: संरक्षित तिनि। यदी बहा:बही संरक्षण व जीर्णोद्धार जुयामच्वंगु खःसा धेबाया कारणं मखु, अव्यस्था व आयस्ताया दुरुपयोगया कारणं धका: थुइकी। वंगु सछिदँया दुने सलंसः हे थेरवाद विहारत न्हूगु धस्वा:गु दृष्टान्तयात कया: नं थन आःया अवस्थाय् नेवा:त स्कुल अस्पताल दय्केत स्वया: द्यःगः, विहार थज्या:गु दय्केत मन क्वासा: धका: क्यनाच्वंगु दु।

बहा:बहीया थःगु आयस्ता मदय्धुंक्क अवस्थाय्, दाता जजमापिं बमला:गु अवस्थाय् व राज्यपाखें नं आर्थिक ग्वाहालि मवःगु अवस्थाय् अन्तर िष्ट्रिय निकाययाके ग्वाहालि फवनेमालीगु

स्वाभाविक खः। खला छुस्याबहा:, यतखाबहा: व इतुंबहा: थेंज्या:गु थासय् विदेशीतय्गु ग्वाहालि ज्या जुल, जुयाच्वंगु दनि। थुकिया थीथी पक्ष दु। हरेक संरक्षण प्रोजेक्टं भीत छगू छगू पाठ स्यनाथक्क दु। थ्व खँ लखय् च्वय् थें त्वःमनावनीगु मेगु हे खँ जुल।

आः यलया हे नांजा:गु ऐतिहासिक हिरण्यवर्ण महाविहार भारतीय सहयोगं दय्कीगु जुल धइगु न्यनेदु। संघया हे दुजःतय्सं जिमिके सल्लाह हे मया:से थज्या:गु निर्णय यात धका: विरोध या:गु पिनेथ्यंका ताय्दयाच्वंगु दु। यदि व महाविहार अले यै, यल, ख्वपया उलिमछि बहा:बही धइगु उकिया संरक्षण यानाच्वंगु निगू प्यंगु परिवार, संघ धका: दुथ्या:पिं सःबसः परिवारया जक निजी सम्पत्ति मखु, व धइगु स्वदेशी व विदेशी इतिहासकारतय्सं धयातःथें बुद्धधर्म व दर्शनया अध्ययन अध्यापन याय्गु विहार खः अले देशया सम्पदा हे खः धइगु खःसा थ्व विषयय् स्थानीय बौद्ध समाज वा समुदायया नं ध्यान आकृष्ट जुइमा:गु दु। छवे बहा:बहीया संघ थः हे क्वातु। आयस्ता गुलि दु धइगु संघया दुजःतय्सं हे मसियाच्चनी, गुलिस्थां जग्गा मिया: गुथि भव्य न्याय्काच्चनी सा गुलिस्थां ला संघयात हे सीके मबिसे जग्गा च्वय्क्वय् या:गु नं न्यनेदु। न्ह्यागुसां बहा:बहीत धेबा आयस्ता मदया: जक जीर्ण जुयाच्वंगु मखु धइगु सकस्यां स्यू। उकिंसं आः ला स्थानीय सरकार धाय् महानगरपालिकां नं बहा:बहीया जीर्णोद्धार याय्त माक्व धयाथें हे आर्थिक ग्वाहालि यानाच्वंगु अवस्था दु। थज्या:गु अवस्थाय् हानं विदेशी निकाय, व नं दुतावासमार्फत हे बहा:बहीया संरक्षण याय्मा:गु अवस्था गनं वल धइगु न्ह्यसः दंवयाच्वंगु दु।

न्हापाया दातु निकाय व थ्व दुतावासया भूमिका पा:गु थें खनेदु। भारत सरकार हे सम्मिलित जुइकथं, भारतया ध्वाँय् तया: हे शिलापत्र तय्माय्क्व वयात हे छाय् जीर्णोद्धारया जिम्मा बीमाल धइगु खँ जायज खः। थ्वपाखे सम्बन्धित बहा:या संघ दुजःत, बौद्ध समुदाय अले समस्त सम्पदा प्रेमी हे छपें जुया: सः थ्वय्क्ल धा:सा व सम्पदा भीगु जुयाच्चनी, मखुसा व निगूप्यंगु परिवारया हे जक यकःति जुल धइगु दसि च्वनी, अले थुकथं हे थ्व हे नजिर च्वना: स्वनिगःया सिछगू स्वया: यक्व बहा:बहीत नं थः यःयःथे दय्केबीगु ज्या न्ह्यानावनी धका: थुइकेमा:गु अवस्था वःगु दु।

Binod Maharjan
98411369552, 9808644666

बि.आर्ट्स

B. Arts

Nayabazar, Kirtipur
☎ 4335491 ✉ barts4335491@hotmail.com

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen/ Rubber Print
- ★ Self-ink/ Rubber Stamp
- ★ PVC(ID) Visiting Card
- & all kinds of press works

100% Vegetarian

Sweet Cave

Sweets - Namkeen - Fast Food

Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरिङ पनि गरिन्छ।





विशेष जुल नेपाःया ५० औं ओडिआई



प्रजित शाक्य

»

सन् २०१६य् जूगु

यु १९ विश्वकप

क्रिकेट धेंधें बल्लारख्य

निम्हम्ह सर्वाधिक

विकेटकर्ता जुइधुंकाः

सन्दीप विश्व क्रिकेटया

मिखाय लाःगु खः । व

इलय् एसोसिएट राष्ट्र

नेपालया बलरया व

कीर्तिमान छुं चमत्कार

स्वयां कम मजू ।

बङ्गलादेशय् सम्पन्न

यु-१९ विश्वकप

क्रिकेटय् वय्कलं १४

विकेट काःगु खः । व

कासा लिपा वय्कःयात

महान् लेग स्पीनर

शेन वार्नलिसे लनेगु

याःगु खः ।

वंगु लाय् नेपाली क्रिकेट टिमं चमत्कार यासैं विश्वकप छनोटया ग्लोबल चयनय् थ्यनेगु व एकदिवसीय मान्यता ल्यकेगु आज्जु पूर्वकल । नेपाल क्रिकेट टिम आः एसिया कपय् म्हितेगु मेगु आज्जु पूर्वकेत आः एसिसी मिज प्रिमियर कप म्हिताच्चंगु दु । प्रिमियर कप म्हितीगु टिम एसिया कपया लागिं योग्य जुइगु प्रावधान दु । भिगू राष्ट्रया ब्वति दुगु थुगु धेंधें बल्लारख्य नेपालयात हे उपाधिया मू दावेदारया रुपं काःगु दु । थुगु धेंधें बल्लारख्य च्याम्पियन जुइधुंकाः नेपाल एसिया कपय् भारत व पाकिस्तानविरुद्ध म्हिती । गुगु नेपाली क्रिकेटया लागिं इतिहासया हे तःधंगु कासा जुइ ।

थ्व लेख तयार यानाबलय्तक्क नेपाल निगुलिं कासा त्याकाः सेमिफाइनल सतक नं थ्यनेधुंकूगु दु । थुगु लेखय् नेपाल ओमानविरुद्ध म्हितूगु विशेष कासाया चर्चा याये । गुगु कासा नेपालया ५०गुगु एकदिवसीय अन्तर्राष्ट्रिय (ओडिआई) कासा खः ।

व कासाय् नेपाल कायम याःगु कीर्तिमानः

नामय् दुगु खः ।

क्रिकेटय् सच्छि विकेटयात कोशेदुङ्गाया रुपं काइ । वंगु लाय् आइसिसी विश्वकप क्रिकेट लिग श्रृङ्ग लाय् हे सन्दीप थ्व कोशेदुङ्गा थीगु अनुमान याःगु खः । तर सन्दीप ९९ विकेटय् थात । वयां लिपा नेपाल व सन्दीप ओमानविरुद्धया कासायात पियाच्चंगु खः, दकले याकनं सच्छि विकेटया कोशेदुङ्गा थीत । सन्दीप ओमानविरुद्ध न्हापांगु ओभरया स्वंगूगु बलय् हे आदिल सफिकयात एलबीडब्ल्यूया धरापय् लानाः थःगु प्रतीक्षायात क्वचाय्कल । सन्दीप सच्छि ओडिआई विकेट काःम्ह नेपालया न्हापांम्ह बलर नं जुगु दु ।

सन् २०१८, अगस्ट १य् नेदरल्यान्डसया स्टेफन माइवर्गयात आउट यानाः थःगु न्हापांगु ओडिआई विकेट काःगु खः, गुगु नेपालया हे न्हापांगु ओडिआई कासा नं खः । वयां लिपा सन्दीप नेपालया प्रमुख बलरया रुपय् दयाच्चंगु दु । सन्दीप स्वक्वः न्यागू वा व स्वयां अप्वः विकेट काःगु दु । पपुआन्युगिनीविरुद्ध ११ खर्च यानाः खुगु विकेट नेपालया हे सर्वश्रेष्ठ



सन्दीपया विश्व कीर्तिमान

विश्व कीर्तिमान कायम याःपिं नेपाली कासामि नगण्य हे धाःसां ज्यू । लेग स्पीनर सन्दीप लामिछाने व दुर्लभ कासामिइ लाःगु दु । ओमानविरुद्ध अन्तर्राष्ट्रिय एकदिवसीय क्रिकेट (ओडिआई) य् दकले याकनं सच्छि विकेट कयाः विश्व क्रिकेटय् थःगु जक मखु, नेपालया हे सम्मान थकयाबिल । सन्दीप ४२ कासाय् सच्छि ओडिआई विकेट काःगु खः । थ्वयां न्ह्यः, दकले याकनं सच्छि विकेटया कीर्तिमान अफगानिस्तानया लेग स्पीनर रसिद खान (४४ कासाय् १०० विकेट) या

ओडिआई बलिङ प्रदर्शन खः ।

सन् २०१६य् जूगुयु १९ विश्वकप क्रिकेट धेंधें बल्लारख्य निम्हम्ह सर्वाधिक विकेटकर्ता जुइधुंकाः सन्दीप विश्व क्रिकेटया मिखाय लाःगु खः । व इलय् एसोसिएट राष्ट्र नेपालया बलरया व कीर्तिमान छुं चमत्कार स्वयां कम मजू । बङ्गलादेशय् सम्पन्न यु-१९ विश्वकप क्रिकेटय् वय्कलं १४ विकेट काःगु खः । व कासा लिपा वय्कःयात महान् लेग स्पीनर शेन वार्नलिसे लनेगु याःगु खः । व धुंकाः सन्दीप विश्वया प्राय दक्व फ्रेञ्चाई लिगय् म्हिताः विश्व चर्चित जुल ।



दकले अप्वः ओडिआई स्कोर

त्रिवि क्रिकेट मैदानय् ओमानविरुद्ध न्हापां ब्याटिङ याःगु नेपाल २८ बलया सामना याय्धुंकाः जक रनया खाता चाय्कूगु खः । व इलय्तक्क नेपालया निम्ह प्रारम्भिक ब्याट्सम्यान आसिफ शेख (०) व कुशल भुर्तेल (०)या विकेट डाउन जुइधुंकूगु खः । अज्याःगु दयनीय सुरुआत नेपाल थ्वयां न्ह्यःया ओडिआईलय् उच्च स्कोर (पुपुवा न्युगिनीविरुद्ध २९७) यात त्वाःथली धकाः शायद हे सुनां बिचाः यात खइ ।

तर किशोर उमेर नं पूमर्निमह अलराउन्डर कुशल मल्लया शतक, मेम्ह अलराउन्डर सोमपाल कामीया अर्धशतक नेपाल कीर्तिमान स्कोरतक्क थ्यन । नेपाल निर्धारीत ५० ओभरय् च्यागू विकेटया क्षतिइ ३१० रन दय्कल । थ्व अन्तर्राष्ट्रिय एकदिवसीय क्रिकेटय् नेपालया दकले तःधंगु स्कोर जूगु दु ।

कुशलया नेपालया लागि तेज शतक

नेपालया ५०गुगु ओडिआई कासा कुशलया शतक नं ताःईक्क हे लुमंकीतिनि । व कासाय् १९ दँया ब्याट्सम्यान कुशल मल्लं ५९ बलय्

शतक दय्कल । व नं नेपालया लागिं दकले तेज शतकया कीर्तिमान जुल । कुशलया २१गुगु ओभरय् ७२ रनय् प्रमुख प्यम्ह ब्याट्सम्यान आउट जुइधुंकाः कुशल ६४ बलय् १०८ रन जादुं जाःगु पालि खः । कुशल ओमानया बलरतय्त निर्मम ढङ्गं नक्काः गुंगू चौका भिगू छक्का थ्वात । कुशल शतक याय्गु इवल्य् छक्का प्रहार याःगु खः । कुशल सन् २०२२य् रोहित पपुआ न्युगिनीविरुद्ध ९१ बलय् सच्छि रन दय्काः कायम याःगु तेज शतकया कीर्तिमान अःपुक हे त्वाःथःगु खः । कुशल नेपालया लागि ओडिआई शतक दय्कूम्ह खुम्हम्ह ब्याट्सम्यान खः । थ्वयां न्ह्यः, पारस खड्का, रोहित, दिपेन्द्रसिंह, कुशल भुर्तेल व आसिफ शेख नं शतक थ्वाःगु दु । कुशलया नामय् म्हवः उमेरय् ओडिआई अर्धशतक थ्वाःम्ह ब्याट्सम्यानया विश्व कीर्तिमान नं दु । वय्कलं प्यदं न्ह्यः अमेरिकिविरुद्ध ५० रन दय्काः कीर्तिमान तःगु खः । व इलय् वय्कः १५दं व ३४०न्हु दुम्ह खः । कुशल थःगु न्हापांगु एकदिवसीय अन्तर्राष्ट्रिय पदार्पण कासाय् विश्व कीर्तिमान अर्धशतक दय्कूगु खः ।

आयो नून खाउँ स्वस्थ रहौ

गर्भसन्तान आयो, आयो नून यस्तो स्वास्थ्य रहौ

आन्दीपिस्वाको कार्यक्रमबाट हुने विधिविचारः

१. गर्भ दुर्लभ, पुनः विधुं नभने, अल गर्भ भाउरी विधुं नभने, अन्तिम विधुं नभने नो वरने ।
२. गर्भकाल, गर्भ, जन्म, मर्त्य, जन्मदुःख, मर्त्यदुःख, मर्त्यदुःख, मर्त्यदुःख, मर्त्यदुःख ।
३. गर्भकाल, गर्भ, जन्म, मर्त्य, जन्मदुःख, मर्त्यदुःख, मर्त्यदुःख, मर्त्यदुःख, मर्त्यदुःख ।
४. गर्भकाल, गर्भ, जन्म, मर्त्य, जन्मदुःख, मर्त्यदुःख, मर्त्यदुःख, मर्त्यदुःख, मर्त्यदुःख ।
५. गर्भकाल, गर्भ, जन्म, मर्त्य, जन्मदुःख, मर्त्यदुःख, मर्त्यदुःख, मर्त्यदुःख, मर्त्यदुःख ।
६. गर्भकाल, गर्भ, जन्म, मर्त्य, जन्मदुःख, मर्त्यदुःख, मर्त्यदुःख, मर्त्यदुःख, मर्त्यदुःख ।
७. गर्भकाल, गर्भ, जन्म, मर्त्य, जन्मदुःख, मर्त्यदुःख, मर्त्यदुःख, मर्त्यदुःख, मर्त्यदुःख ।
८. गर्भकाल, गर्भ, जन्म, मर्त्य, जन्मदुःख, मर्त्यदुःख, मर्त्यदुःख, मर्त्यदुःख, मर्त्यदुःख ।
९. गर्भकाल, गर्भ, जन्म, मर्त्य, जन्मदुःख, मर्त्यदुःख, मर्त्यदुःख, मर्त्यदुःख, मर्त्यदुःख ।
१०. गर्भकाल, गर्भ, जन्म, मर्त्य, जन्मदुःख, मर्त्यदुःख, मर्त्यदुःख, मर्त्यदुःख, मर्त्यदुःख ।

संज्ञा संकेत विचारः

गर्भकाल, गर्भ, जन्म, मर्त्य, जन्मदुःख, मर्त्यदुःख, मर्त्यदुःख, मर्त्यदुःख, मर्त्यदुःख ।

राम प्रजापति
प्रोप्राइटर

हारती मिठाई भण्डार
(शुद्ध शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ०१-५३७२९९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।

न्हापांम्ह मिसा न्यायाधीश व संस्कृतिविद् पौडेल सम्मानित



जोशी रिसर्च सेन्टर कदम
पुरस्कार लिसें हरिराम जोशी संस्कृति
पुरस्कार २०७९ वितरण या:गु दु।
२०२४ सालय् स्थापित जोशी
रिसर्च सेन्टरया संस्थापक इतिहास
शिरोमणि हरिराम जोशी पुरस्कार
थुमुसी संस्कृतिविद् डा. नयनाथ
पौडेलयात लःल्हा:गु दु।

अथ हे, जोशीया जहान
मदुम्ह कदम बाबा जोशीया लुम्निन्इ
तथातःगु कदम पुरस्कार २०७९
नेपालया न्हापाम्ह मिसा न्यायाधीश
शारदा श्रेष्ठयात व्यूगु खः । ज्याइवल्य
सम्मानित व्यक्तित्वया प्रशंसाय
सेन्टरया संस्थापक अध्यक्ष हरिराम
जोशी थःगु गद्य शैलीया रचना बाचन

यानादिल । सर्वोच्च अदालतया
पूर्व प्रधान न्यायाधीस कल्याण
श्रेष्ठ राज्यया दायित्वयु यायूमाःगु ज्या
यानावःगु धासैं जोशी रिसर्च सेन्टरया
प्रसंशा यानादिल । वयुक्कलं सामिप्यता
महः जूसां जोशी रिसर्च सेन्टरं
नेपालया न्हाणाम्ह मिसा न्यायाधिश
थः समकालिन अग्रज शारदा श्रेष्ठयात
सम्मानित यायुगु हवःताः ब्यूगु धासैं
आभार प्वकादिल ।

अथेहे, प्रा.डा. पुरुषोत्तम
लोचन श्रेष्ठ थःगुबारे नवाय्मयःम्ह तर
समयकालखण्डया दुय्गु अध्ययनया
आधारय् राजतन्त्रकालय्
कवितामार्फत गणतन्त्रया महत्व
व्वःम्ह धासँ रिसर्च सेन्टरया संस्थापक
अध्यक्ष हरिराम जोशीया व्यक्तित्वबारे
न्ववादिल । ज्याइवलय् जोशी रिसर्च
सेन्टर व ग्वसाः खलः परिवारपाखें
सुशीलराम जोशी व बिनोद राज शर्मा
राजोपाध्यायं न्ववानादीगु खः ।

स्वप्न म्येया म्युजिक भिडियो पितृवज्या



यलय् लुनिभा प्रोडक्शनं
स्वपू नेवाः म्येया म्युजिक भिडियो
पितृव्यया याःगु दु ।

बुगद्यः या जात्रा बले, जि छंगु
गल्ली वया व सुथय न्हापा लः काः
वः म्हः म्येया भिडियो पितब्वज्या
ज्याइवलय् ख्यालिजुजु मदनकृष्ण
श्रेष्ठ मुपाहाँ कथं भायादीगु खः ।

मूपाहाँ श्रेष्ठ थौकन्हे म्ये हाला
रेकर्ड जक यानां मगा उकियात
सकसिनं स्वयेखनि कथं म्युजिक
भिडियो नं दयेकेमा धका धयादिगु
खःसा बिके जल्मीया कुतःया प्रशंसा
यानादिगु खः ।

ज्याइवल्य नेवाः पत्रकार
राष्ट्रिय दबूया निवर्तमान नायः
सुरजबीर बज्राचार्य कलाकारिता व
पत्रकारिताया स्वापुया बारे खें तयादीगु
खःसा मनराजा नकःमि, संगीतकःमि
निन्ज्जन महर्जन, म्येहालाभि आशा
नकःमि लगायतया कलाकःमि पाहाँ
कथं भायादीगु खः ।

ज्याइवल्यु नेपालभाषाया
 न्हांपाम्ह म्युजिक भिडियो निर्देशकं
 सिनेपत्रकार विजयरत्न असंबरे म्युजिक
 भिडियोया समालोचनात्मक खँ
 तयादीगु खः ।

व्यञ्जनकारया मुक्तक सफु 'सब्बचा २' या पितव्वज्या

लोकह्वाम्ह कलाकार नेवाः
सुपरस्टारया नोमिनेशनय् लाना च्वम्ह
संचारकर्मी सुरज व्यञ्जनकारया
नेपालभाषाया मुक्तक मुना सफू 'सबूचा
२' या शनिबार छ्मू ज्याइवःया
दथुइ पितव्वज्या जुल । सफूया
च्वमि व्यजनकारया अबुजु सुरेन्द्र
व्यञ्जनकारया सभानायःसुइ यलया
खपिन्छे त्वालया जूगु ज्याइवलया
'सबूचा २'या वरिष्ठ कलाकार
ख्यालिजुजु मदनकृष्ण श्रेष्ठ' यानादीगु
खः ।

पितृव्यज्या ज्याइवल्य मूपाहाँ
श्रेष्ठ, विशिष्ट पाहाँपिं यल वडा ९
वडाअध्यक्ष राजु महर्जन, खपिन्छे
टोल सुधार समितिया नाथः राजमान
अवालपिंसं संबुचा २ सफूयात कया
थःथःग नगःखँ तयादीग खः ।

अथेहेतुं साहित्यकार सुधीर खर्बिं
सफूया समालोचना यानादीगु खः ।
मुक्तककार ब्यञ्जनकारया 'सब्वचा



२' सफू ललितपुर महानगरपालिका
वडा ९ या ग्वाहालिं पिकागु खःसा
थ्वसिबें न्हापा भिंखुदें न्त्यः 'सब्बुचा'
या न्हापांगु ब्व पिदंगु खः ।

ज्याइवलय् मुक्तकच्चांमि सुरज
व्यञ्जनकारं पितृव्यज्या जूगु सफुतिइ
दुथ्याःगु छुं छुं मुक्तक वाचन यानाः
न्यंकादीगु खःसा मुक्तक च्वज्या

बारे थःगु बिचाः तयादीगु खः ।
सफु पिथनेत यल मनपा वडा नं. ९
लिसें वडा अध्यक्ष राजु महर्जन,
क्यामेडियन नेवाः गुथिया दुजः नवीन
महर्जन, न्यूयोर्क नेवाः गुथिया दुजः
कविना महर्जन, डट्स प्रिन्टिङ्ग प्रेस व
विष्णुहरी महर्जन ग्वाहालि याःगु च्चमिं
कनादिल ।

- बालबालिकाको संरक्षण र विकासमा ध्यान दिऔं ।
- बालबालिका माथि हुने हिंसाको उजुरी प्रहरीमा गरौं ।
- बालबालिका बेचबिखन र तस्करी नियन्त्रण गरौं ।
- बालबालिकालाई परिवारीक बातावरणमा हुर्कने अवसर दिऔं ।



नेपाल सरकार

विज्ञापन बोर्ड



छत्रपाटी निःशुल्क चिकित्सालय (अस्पताल)

"सत्रीय शूलभ स्वास्थ्य सेवा सकसियां निति, असहायया निति जक निःशुल्क"



उपलब्ध सेवा

२४सी घण्टा सेवा

- ईमरजेन्सी
- प्याथोलोजी
- एक्स रे
- ई.सी.जी
- ओपधि पसल
- अन्तरंग सेवा

शल्यक्रिया

- मोडिफिन्
- अन्तरन सन्तरी
- नाक कान घाँटी सम्बन्धि
- हाडबोनी तथा नसा सम्बन्धि
- लिवा चिरफार फिलाज लोको फन्डर सम्बन्धि

बहिरंग सेवा

- बन्धु रोग
- फेद रोग
- प्युरीलोजी
- हृदी रोग
- बाल रोग
- क्यान्सर रोग
- बन्त रोग
- ज्विषा रोग
- ज्वरराल मेडिसिन
- बच्चा तथा यौन रोग
- नाक कान घाँटी रोग
- ज्वरराल हुन्ध चेक अप
- प्राइरीइड
- मधुमेह

मेमेजु सेवा

- ठुसिङ्ग
- ट्रपडोस्कोपी
- कोल्डोस्कोपी
- फिजियोथेरापी
- प्रदमाप्युड कन्ट्रोलर र हुको
- प्युरोथेनी स्तरको दन्त प्रयोगशाला
- टिएमटि, इन्टर

२४ घण्टा

ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ४२१६१३८, ४२५७९११, ४२६६२२९